

**Federacija Bosne i Hercegovine
Federalno ministarstvo zdravstva
Sektor za realiziranje projekata**

Kvartalni izvještaj o napretku

PROJEKTA

**„Jadranski model održive mobilnosti u oblasti zdravstvene zaštite“
(IPA Program jadranske prekogranične suradnje i AdrihealthMob projekat)
za period 01. oktobar – 31. decembar 2015. godine**

Decembar 2015. god.

SADRŽAJ

Uvodne informacije.....	3
Ciljevi.....	4
Aktivnosti.....	4
Radni paket 1 – Upravljanje projektom	5
Cilj i uvodne informacije.....	5
Aktivnost 1.1. – Administrativne aktivnosti (Izveštavanje)	5
Naredne planirane aktivnosti	5
Aktivnost 1.2. – Upravni odbor projekta (Sastanci)	5
Naredne planirane aktivnosti	6
Aktivnost 1.3. – Nabavka računarske opreme	6
Aktivnost 1.4. – Angažman agencije za prevođenje	6
Naredne planirane aktivnosti	6
Aktivnost 1.5 –Pripremu tenderske procedure po PRAG-u	6
Naredne planirane aktivnosti	6
Radni paket 2 – Promotivne aktivnosti	7
Cilj i uvodne informacije.....	7
Aktivnost 2.1. – Promocija projekta	7
Naredne planirane aktivnosti	7
Radni paket 3 – Kapitalizacija i održivost	7
Cilj i uvodne informacije.....	7
Radni paket 4 – Analize, istraživanja, studije	8
Cilj i uvodne informacije.....	8
Aktivnost 4.1. – Prikupljanje podataka od strane partnera	8
Aktivnost 4.2. – Prikupljanje podataka u BiH	8
Naredne planirane aktivnosti	8
Radni paket 5 – Alati za održive promjene mobilnosti u sistemu pružanja usluga zdravstvene zaštite i zdravstvene njege.....	8
Cilj i uvodne informacije.....	8
Aktivnosti.....	9
Naredne planirane aktivnosti	9
Radni paket 6 – Pilot aktivnosti	9
Cilj i uvodne informacije.....	9
Aktivnosti.....	9
Radni paket 7 – Udruženi i održivi transport u zdravstvu.....	10
Cilj i uvodne informacije.....	10
Aktivnosti.....	10
Naredne planirane aktivnosti	10

Uvodne informacije

Na osnovu potpisanog IPA Ugovora o subvenciji zaključenog između "Direzione Affari della Presidenza, Politiche Legislative e Comunitarie programmazione, Parchi, Territorie, Valorizzazioni ambientali, Energia-Servizio Cooperazione Territoriale-IPA Adriatic" koja nastupa kao Upravno tijelo Jadranskog programa prekogranične saradnje i Federalnog ministarstva zdravstva, Vlada Federacije Bosne i Hercegovine je na 131. sjednici, održanoj 10.09.2014. godine, donijela Odluku o prihvatanju granta namijenjenog za finansiranje Projekta Jadranskog modela održive mobilnosti u oblasti zdravstvene zaštite.

Ukupan budžet za implementaciju Projekta osiguran je iz granta Europske pomoći za unaprjeđenju regionalne saradnje u oblasti zdravstva između osam zemalja IPA jadranske inicijative (Federacija BiH, Hrvatska, Albanija, Crna Gora, Grčka, Italija i Slovenija) u smislu unapređenja razmjene informacija, dostupnosti zdravstvenih usluga, racionaliziranja mobilnosti korisnika i pružaoca zdravstvenih usluga.

Ukupni budžet u iznosu od EUR 6.293.496,41 dodijeljen Projektom partnerstvu za aktivnosti na provedbi Projekta se sastoji od programskog doprinosa i vlastitog dodatnog doprinosa, tamo gdje je to primjenjivo. Ukupni programski doprinos iznosi EUR 6.293.496,41, a sastoji se iz sljedećeg:

- a) Ukupni doprinos Zajednice koji maksimalno iznosi EUR 5.349.471,93, što je ekvivalentno vrijednosti od 85% od ukupnog programskog doprinosa;
- b) Ukupno državno sufinansiranje iznosi EUR 944.024,48, što je ekvivalentno omjeru finansiranja od 15% od ukupnog programskog doprinosa.

Poseban značaj implementacije navedenog projekta predstavlja činjenica da je Federaciji Bosne i Hercegovine i uopće Bosni i Hercegovini prvi put dodijeljen liderski status u implementaciji IPA projekta, odnosno Federalnom ministarstvu zdravstva.

Liderska uloga Federalnog ministarstva zdravstva podrazumijeva obavljanje koordinacije sa svim partnerima, procesuiranje finansijskih sredstava, davanja saglasnosti za dostavljene izvještaje, kao i odgovornosti za implementaciju i rezultate.

Projekat (u daljem tekstu: AdriHealthMob) koordinira i implementira Federalno ministarstvo zdravstva, Sektor za implementaciju projekata.

Ciljevi

Osnovni cilj projekta je razvoj i pilotiranje prekograničnog modela održive i efikasne komunikacije i razmjene podataka i iskustava među pružaocima zdravstvenih usluga i usluga njege, a u svrhu smanjenja nepotrebnog kretanja korisnika zdravstvenih usluga i usluga njege i pružaoca istih.

AdriHealthMob takođe ima za cilj i da uspostavi trajna i obostrana korisna partnerstva između javnih i privatnih zdravstvenih institucija, univerziteta, istraživačkih centara i donosioca odluka u sektorima zdravstva u oblasti jadransko-jonske makro regije.

Specifični ciljevi projekta su:

- Identifikacija i mapiranje dobrih praksi u sektorima zdravstva i zdravstvene njege u Jadransko-jonskoj makro regiji koji mogu odgovoriti na potrebe održivih modela transporta i kreiranja mreže inovativnih rješenja;
- Definiranje pilot inicijativa za održivi transport u sektorima zdravstva i njege;
- Implementacija sistema za prikupljanje, sistematizaciju i analizu podataka, informacija i strategija sa ciljem planiranja funkcionalnog modela prekograničnog transporta u sektorima zdravstva i njege;
- Uvođenje ICT (informatičke i komunikacijske tehnologije) rješenja u sektore zdravstva i zdravstvene njege unutar Jadransko-jonske makro regije kroz razvoj i pilotiranje IT platforme za komunikaciju i razmjenu podataka i iskustva profesionalca u sektorima zdravstva i zdravstvene njege;
- Modernizacija informacionih tehnologija u sektorima zdravstva i zdravstvene njege kao i uvođenje savremene medicinske opreme na lokacijama povećanog protoka putnika;
- Promocija zajedničkih protokola i predstavljanje prijedloga, vodiča i preporuka za održivu, međusektorsku prekograničnu strategiju za donosioca odluka u sektorima zdravstva i njege, kao i planiranje modernih i efikasnih transportnih usluga u sektorima zdravstva i njege.

Aktivnosti

Aktivnosti se implementiraju kroz osam komplementarnih i međuovisnih tematskih radnih paketa. Za svaki paket je odgovoran jedan od partnera sa izuzetkom Federalnog ministarstva zdravstva BiH koje je kao lider odgovorno za pripremu i kordinaciju projektnih aktivnosti (radni paketi 0, koji je podrazumijevao pripreme aktivnosti te radni paket 1 koji podrazumijava aktivnosti menadžmenta i koordinacije) te za provođenje mapiranja zdravstvenih institucija i institucija zdravstvene njege (radni paket 4).

Projektne aktivnosti započele su sa identifikacijom postojećih iskustava u oblasti transporta u zdravstvenom sektoru kako bi se definirale buduće aktivnosti za unapređenje ovog sektora.

Nadalje, prikupljanje podataka o zdravstvenim uslugama, mobilnosti u zdravstvu, te njihovoj dostupnosti, predstavljaju jednu od ključnih aktivnosti projekta. Značaj projekta ogleda se u promoviranju novih informacionih tehnologija u sektor zdravstva te uvođenju održivih i trajnih modela menadžmenta u oblasti zdravstva i zdravstvene njege što će imati snažan uticaj na mobilnost u ovoj oblasti.

Projektne aktivnosti uključuju implementaciju, testiranje, procjenu i validaciju eksperimentalnih inicijativa koje imaju za cilj unapređenje mobilnosti u oblasti zdravstva i zdravstvene njege.

Projektom je također predviđena realizacija protokola o saradnji u oblasti transporta u Jadransko jonskoj regiji.

Radni paket 1 – Upravljanje projektom

Cilj i uvodne informacije

Glavni cilj ovog paketa je da osigura efikasnu implementaciju projekta, uspostavi prekograničnu saradnju za zajednički razvoj. To podrazumijeva uspostavu zajedničkog i efektivnog upravljačkog tijela, definiciju principa saradnje, identifikaciju potencijalnih rizika, donošenje ispravnih odluka i drugo.

Aktivnost 1.1. – Administrativne aktivnosti (Izveštavanje)

U okviru ove aktivnosti, pripremljen je izvještaj o projektnim aktivnostima za period oktobar 2014. – august 2015. te finansijski izvještaj sa pratećom dokumentacijom. Pripremljena je procedura izmjene budžeta te upućen zahtjev za produženjem ugovora do decembra 2016. godine. Sva dokumentacija poslana e-mailom i poštom Ugovornom organu (Managing authority).

Naredne planirane aktivnosti

1. Priprema narednog izvještaja za period oktobar 2015-januar 2016,
2. Finaliziranje šestomjesečnog izvještaja na nivou projekta i slanje Ugovornom organu (Managing authority).

Aktivnost 1.2. – Upravni odbor projekta (Sastanci)

U izvještajnom periodu projektni tim je učestvovao na sastanku Upravnog odbora projekta održanom u Beogradu 23-25.11.2015. godine. Na sastancima se razgovaralo o sljedećim važnim pitanjima projekta:

- Predstojeće izmjene budžeta
- Aktivnosti pilotiranja vezane uz projektnu platformu
- Tekuće aktivnosti (prikupljanje podataka za wp4, javne nabavke i sl.)
- Dogovoreni su budući koraci, postignuti dogovori i idenitificirana pitanja koje zahtjevaju dodatnu pažnju po svim gore navedenim tačkama. Također, istog dana je održan sastak tehničke jedinice projekta.

Naredne planirane aktivnosti

Naredni sastanak Upravnog odbora projekta će se održati 01. i 02. februara 2016. godine u Sloveniji.

Aktivnost 1.3. – Nabavka računarske opreme

Potpisan ugovor sa ponuđačem kompjuterske opreme. Oprema dostavljena i stavljena u funkciju za potrebe projekta.

Aktivnost 1.4. – Angažman agencije za prevođenje

Budući da se javila potreba za prevođenjem, supervizor projekta iz Ministarstva finansija i trezora nam je sugerisao da angažujemo agenciju koja će obavljati povremene poslove prevoda. Pripremljen je opis poslova i prikupljene adrese potencijalnih prevodilačkih agencija.

Naredne planirane aktivnosti

Slanje ponuda na adrese prevodilačkih agencija, angažman agencije, prevod dokumentacije sa talijanskog na bhs za potrebe aktivnosti koje se provode u okviru radnog paketa 6.

Aktivnost 1.5 –Pripremu tenderske procedure po PRAG-u

Projektom je predviđena nabavka jednog defibrilatora, totema i više uređaja za telemedicinu. Na sastanku održanom u Kotoru u Crnoj gori donesena je odluka da se promijeni plan nabavki opreme tako da će Federalno ministarstvo zdravstva nabaviti tri defibrilatora i tri totema. To podrazumijeva provođenje tenderske procedure po pravilima EU (PRAG). U ovom izvještajnom periodu je urađena detaljna analiza tržišta i pripremljena specifikacija za opremu koja će se nabavljati. Oprema se nabavlja za potrebe provođenja aktivnosti u okviru radnog paketa 6.

Naredne planirane aktivnosti

Budući da je za pripremu sve potrebne dokumentacije i provođenje tenderske procedure po PRAG-u potrebna posebna ekspertiza, u narednom izvještajnom periodu je planiran angažman konsultanta koji će raditi na pripremi tenderske procedure za sve nabavke po PRAG-u koje su predviđene projektom.

Radni paket 2 – Promotivne aktivnosti

Cilj i uvodne informacije

Cilj radnog paketa 2 za koji je odgovoran COOSS Marche iz Italije je da rezultate i outpute AdriHealthMob projekta učini vidljivim i pristupačnim široj javnosti i nosiocima projekta. Aktivnosti koje se provode u okviru ovog paketa usmjerene su na poboljšanje efikasnosti komunikacije, razmjene informacija te promocije projektnih aktivnosti. Ove aktivnosti imaju za cilj podizanje svijesti o značaju projekta, te definiranje i promoviranje zajedničkih strategija, politika i protokola. U okviru ovih aktivnosti predviđena je izrada vodiča, planova i strategija te procedura za provođenja monitoringa rezultata projekta.

Aktivnost 2.1. – Promocija projekta

Pripremljena specifikacija za nabavku promotivnog materijala i obavljena tenderska procedura. Na tender se prijavila samo jedna firma, R&S iz Sarajeva. Ugovor potpisan u decembru 2015.

Naredne planirane aktivnosti

Preuzimanje i distribucija materijala.

Radni paket 3 – Kapitalizacija i održivost

Cilj i uvodne informacije

Radni paket 3, za koji je odgovoran Politehnički univerzitet Marche iz Italije, podrazumijeva identifikaciju dobrih praksi u jadranskoj jonskoj regiji te pružanje kritičkog i analitičkog osvrta na prošla i trenutna iskustva u modelima transporta i mobilnosti u zdravstvenom sektoru i sektoru njege, kako bi se definirale strategije za održive modele transporta u prekograničnom zdravstvenom sektoru i sektoru zdravstvene njege.

Aktivnosti u ovom radnom paketu su okončane. Naime, obaveza Federalnog ministarstva zdravstva u okviru ovog paketa bila je da identifikuje dobre prakse u oblasti mobilnosti u zdravstvu. Prikupljeno je sedamnaest upitnika od različitih institucija te proslijeđeno partneru iz Italije.

Radni paket 4 – Analize, istraživanja, studije

Cilj i uvodne informacije

Bosna i Hercegovina; Federacija BiH, pored toga što je lider i ključni koordinator projektnih aktivnosti sa ostalim partnerima je odgovorna za sprovedbu radnog paketa br 4. Ovo podrazumijeva provođenje istraživanja kojim bi se prikupile detaljne informacije o ustanovama koje pružaju zdravstvene usluge, te usluge zdravstvene njege na području Federacije Bosne i Hercegovine, a radi mapiranja postojećih ustanova zdravstvene zaštite i ustanova koje pružaju njegu (javni i privatni sektor).

Aktivnost 4.1. – Prikupljanje podataka od strane partnera

Prikupljanje svi upitnika koji su popunjeni od strane projektnih partnera.

Aktivnost 4.2. – Prikupljanje podataka u BiH

Završena procedura odabira i potpisan ugovor sa agencijom koja će vršiti usluge prikupljanja i unosa podataka. Agencija počela sa radom na terenu. Početni izvještaj dostavljen na vrijeme.

Obavljene pripremne aktivnosti za pokretanje procedure za angažman konsultanta za analizu i pripremu završnog izvještaja (priprema opisa poslova).

Naredne planirane aktivnosti

Praćenje provođenja istraživanja, pružanje podrške Agenciji. Očekujemo preliminarne rezultate početkom februara.

Radni paket 5 – Alati za održive promjene mobilnosti u sistemu pružanja usluga zdravstvene zaštite i zdravstvene njege

Cilj i uvodne informacije

Radnog paket 5, za koji je odgovoran „Tetras business consulting, limited liability company“ iz Slovenije, podrazumijeva implementacije informacionih tehnologija u oblasti pružanja zdravstvenih usluga i usluga zdravstvene njege, koje će omogućiti uvođenje održivih i trajnih modela menadžmenta u zdravstvu te ostvariti značajan uticaj na transport i pokretljivost u oblasti zdravstva. Informacione tehnologije predstavljaju ključni alat za održive promjene i inovacije kada je u pitanju mobilnost u

oblasti zdravstva te promoviranje optimizacije i racionalizacije transportnog sistema. Uvođenjem informacionih tehnologija će se ostvariti konkretni i operativni rezultati (npr. smanjenjem saobraćaja u glavnim gradovima, smanjiće se emisija opasnih gasova itd.) u skladu sa izvještajem radne grupe o eZdravlju "Redesigning health in Europe for 2020".

Aktivnosti

U ovom izvještajnom periodu koordinirali smo aktivnosti vezano za registraciju doktora medicine, specijalista iz oblasti kardiohirurgije, na platformu koja je kreirana za potrebe edukacije doktora iz različitih tematskih oblasti. Obezbijeđeno je učešće 10 doktora iz Federacije Bosne i Hercegovine u online edukaciji.

Naredne planirane aktivnosti

Učešće na narednom treningu vezano za platformu i proces pilotiranja.

Radni paket 6 – Pilot aktivnosti

Cilj i uvodne informacije

Radni paket 6 za koji je odgovorno Ministarstvo zdravlja R Hrvatske podrazumijeva implementaciju, testiranje, procjenu i validaciju eksperimentalnih inicijativa s ciljem optimizacije usluga transporta u oblasti zdravstva i zdravstvene njege. Pilot aktivnosti se odnose na upotrebu informatičkih resursa u oblast transporta, opremanje aerodroma, implementaciju operativnog centra za daljinsko upravljanje integrisanim sistemom zdravstvene brige i transporta te uspostavljanje sistema rezervacije koji bi bio operativan na cijelom području Jadranske regije. Radni paket 6 uključuje i pripremu internih dokumenata za planiranje, implementaciju, nadzor, procjenu i evaluaciju svih planiranih pilot projekata.

Aktivnosti

Aktivnosti vezane za angažman konsultanta i agencije za prevođenje a koje su direktno vezane za provođenje aktivnosti u ovom paketu, objašnjene su u paketu 1. (Aktivnosti 1.4 i 1.5).

Radni paket 7 – Udruženi i održivi transport u zdravstvu

Cilj i uvodne informacije

Radni paket 7 za koji je odgovorna Agencija za akreditaciju zdravstvenih ustanova Srbije, podrazumijeva koordiniranje uspostavljanja zajedničkih procedura i prekograničnih protokola o saradnji u oblasti održive transportne strategije u zdravstvenom sektoru. U okviru ovog radnog paketa predviđena je priprema smjernica za definisanje politike, instrumenata, mreža, modela, učesnika i resursa za efikasno usvajanje održivog transportnog modela u oblasti zdravstva.

Aktivnosti

U izvještajnom periodu prikupljeni su svi raspoloživi podaci za popunjavanje upitnika koji je pripremio partner iz Srbije a koji se odnosi na prikupljanje informacija o priznavanju diploma u oblasti zdravstva za potrebe daljeg usavršavanje te za potrebe zapošljavanja.

Naredne planirane aktivnosti

U narednom izvještajnom periodu planirano je učešće u svim projektnim aktivnostima vezanim za aktivnosti na stvaranju pretpostavki za uspostavljanje zajedničkih procedura i prekograničnih protokola o saradnji u oblasti transporta između zemalja jadranske regije a koje su predviđene radnim paketom 7.